

Landesbibliothek Oldenburg

Digitalisierung von Drucken

**Bibliotheca Smithiana, Seu Catalogus Librorum D. Josephi
Smithii Angli Per Cognomina Authorum Dispositus**

Pasquali, Giovanni Battista

Venetiis, 1755

Joannes[i] Salandus

urn:nbn:de:gbv:45:1-844

[CCCIII]

Ad calcem Voluminis.

JOANNES [I] SALANDUS

D. Demetrio Chalcondylo.

Maiestas, decus, & nitor vetustus,
Argoi eloquii perire visus,
Et torpere gravi prius veterno,
Sermo cecropius: Sophosque achæum,
Nostra cognitione iam remotum
Propter barbariem parum ferendam
A censoribus utriusque linguaæ,
Quum frustra appeteretur in poetis,
Gressu liberiore concitatis,
Et campo uberiore devagatis,
Quumque omnis quereretur ordo
phœbi,
Esse interpetre nunc opus perito
Et musæ argolica locum rogarent
In terris Latii feracis, atque
Scirent Hesperiæ sinum beatum,
Demetrii auspiciis bonis in oras,
Venisti has Italas polumque nostrum
Græca ut pallade tunc parum vigente
Posset erigere, & iuvare tristes,
Moëstas pierides favore nullo
Graii nectaris, aut decore cultas,
Qui præter reliquos tuos honores
Et præconia multa quæ mereris
Longis usibus, arte, vel lepore

Nobis Attica scripta quo resolvis
Tanta cum gravitate, cum tenore
Constanti, ut videaris ore fari
Quo prius cecinere qui hæc dederunt
Sudamen multiplici vocabulorum,
Et rerum serie gravem, frequentem
Lethæis in aquis latere suetum,
A nostris manibus male evolutum,
Auras in superas redire cogis,
Accedente meo simul sodali, (do,
Charo compatre tempus omne aman-
Non stulta ratione, sed perita
Motta cum Maria meo Iohanne,
Sed præstante operam manumque &
artem
Inter calcographos locum tenente
Primum nūc Benedicto in orbe nostro
Assumpto in socium suo Iohanne
Per quos historias vocabulique
Si quid quæsieras & aucuparis
Hoc Suda duce non potest latere
Sic nostra in regione qui tenebat
Vix tecum breve seu larem pusillum
Iam regnat dictione fretus ampla
Lector candide iam valere iuste.

I D E M A D L E C T O R E M .

QUI plenis monumenta soles haurire labellis,
Attica qui græcis fontibus orsa trahis,
Huic Sudæ insudes largo qui ut copia cornu
Fundit opes animi pabula magna tui,
Motta tibi Antoni: Maria en tibi amice Ioannes,
Debeat graiae pallados auctius honor
Tantum opus aggressus, per quos Demetrius edit,
Castigatque operi quæ minus apta putat,
Quod superest lector pretio haud absterrite magno,
Magnum opus illud emas, maxima messis ineff.

[1] Chalcondyli discipulus.

EPI-

